

ILUARSIISSUT

**isumaliutissiissut kalaallisooq 17. maajimeersoq isumaliutissiissullu danskisooq 19.
maajimeersoq taarserpaa**

(Ulluisa iluarsineqarnerat)

**Uunga siunnersuut: Inuussutissarsiutinik ingerlatsisutut aningaasaateqarfiit pillugit
inatsisip atuutisilernissaa pillugu Kalaallit Nunaannut peqqussummut
oqaaseqaatissamut Inatsisartut aalajangiiffigisassaattut siunnersuut.**

(Inuussutissarsiornermut, Suliffeqarnermut Niuernermit Nunanullu Allanut Naalakkersuisoq)

pillugu

Inuussutissarsiornermut Ataatsimiititaliap

siunnersuutip aappassaaneerpeqarneranut

ISUMALIUTISSIISSUTAA

Inuussutissarsiornermut Ataatsimiititaliap suliarinninnermini ilaasortarai:

Inatsisartunut ilaasortaq Siverth K Heilmann, Atassut, siulittaasoq

Inatsisartunut ilaasortaq Aqqaluaq B Egede, Inuit Ataqatigiit, siulittaasup tullia

Inatsisartunut ilaasortaq Justus Hansen, Demokraatit

Inatsisartunut ilaasortaq Suka K Frederiksen, Siumut

Inatsisartunut ilaasortaq Iddimanggiu Bianco, Inuit Ataqatigiit

1. Siunnersuutip imarisaa siunertaalu

Kunngip peqqussutissaatut missingiutikkut nassiunneqartukkut inuussutissarsiutinik ingerlatsisutut aningaasaateqarfiit pillugit Kalaallit Nunaanni inatsisip nutarterneqarnissaa siunertaavoq, taamaalilluni inuussutissarsiutinik ingerlatsisutut aningaasaateqarfiit pillugit inatsisip Kalaallit Nunaanni atuutilersinneqarnissaa pillugu kunngip peqqussutaa nr. 621, 23. juni 2008-meersoq maannamut atuuttoq inuussutissarsiutinik ingerlatsisutut aningaasaateqarfiit pillugit inatsisip Kalaallit Nunaanni atuutilersinneqarnissaa pillugu peqqussummik nutaamik, Kalaallit Nunaanni pissutsit malitsigisaannik allannguutitaqartumik taarserneqassaaq.

Inuussutissarsiutinik ingerlatsisutut aningaasaateqarfiit pillugit inatsisikkut nutaakkut inuussutissarsiutinik ingerlatsisutut aningaasaateqarfiit maleruagassaqartitaanerannik assigisaanik iluarsartuussinissaq siunertaavoq, taamaalilluni Danmarkimi suliffeqarfinnut ilusiliussanut assigiinngitsunut maleruagassat assigiiaartut atuutissammata, taamaattoq suliffeqarfinnut ilusiliussanut assigiinngitsunut immikkut ilisarnaatit isiginiarneqarput, aningaasaateqarfittut ilusiliineq ilanngullugu. Aningaasaateqarfiit eqqarsaatigalugit aningaasaateqarfiit imminnut pigisuunerat pineqarpoq, tamannalu illuatungeqartikkumallugu aningaasaateqarfinnut oqartussaqqarpoq, aningaasaateqarfinnik nakkutilliisuusunik.

Inuussutissarsiutinik ingerlatsisutut aningaasaateqarfiit pillugit siusinnerusukkat inatsisaasumi ingerlatseqatigiiffiit pillugit inatsisaasimasumi immikkoortut arlallit tunngavigineqarsimapput. Taamaattumik ingerlatseqatigiiffinnut maleruagassanik iluarsartuusseqqinnerup inuussutissarsiutinik ingerlatsisutut aningaasaateqarfiit pillugit maleruagassanut qanoq sunniteqarsimanerata erseqqinnerusumik misissorneqarnissaa pissusissamisoortumik pisariaqartinneqalerpoq. Peqatigisaanillu ukiuni kingullerni ineriartornerup nalinginnaasumik kinguneranik akisussaassuseqarneq, ammasuuneq kiisalu suliffeqarfimmi aqutsisutullu ileqqorissaarneq annerusumik isiginiarneqalerput. Tamanna corporate governancemut (ingerlatseqatigiiffinnik aqutsilluarnermut) atatillugu atuuppoq, tamatumani ingerlatseqatigiiffiit aningaasanik niuerfinni nalunaarsorneqarsimasut suliffeqarfinnik aqutsilluarneq pillugu tunngavinnik arlaqartunik ullumikkut malinnillutik. Tamatuma saniatigut inuussutissarsiutinik ingerlatsisutut aningaasaateqarfiit paasiuminassusiat taakkuninngalu nakkutilliineq ukiuni kingullerni apeqquserneqartalersimallutik, aqutsisunut sinaakkusiussat, taakku inuttalersugaanerit kiisalu arlaannaannulluunniit attuumassuteqannginnerat ilanngullugit.

Inuussutissarsiutinik ingerlatsisutut aningaasaateqarfiit pillugit inatsit nutaaq tulluuttut eqqarsaatigalugit pingaaruteqarpoq:

- ingerlatseqatigiiffiit pillugit inatsiseqarnerup nutarterneqarnera assigalugu inuussutissarsiutinik ingerlatsisutut aningaasaateqarfiit inatsisitigut tunngaviinik nutarterineq,
- siulersuisut ingerlataat agguassisarnerallu pillugit ammanerulerneq kiisalu
- siulersuisunut atatillugu aningaasaateqarfinnut oqartussat periarfissaasa nukittorsarnerat.

2. Siunnersuutip Inatsisartuni siullermeerneqarnera

Inatsisissatut siunnersuut siullermeerneqarmat siunnersuut ataatsimut isigalugu partiinit tapersorneqarlunilu soqutigineqarpoq, tamatumalu saniatigut oqaaseqartartut amerlanerussuteqartut siunnersuummut tapersiillutik. Tamanna Inuussutissarsiornermut Ataatsimiititaliamit tusaatissatut tiguneqarpoq.

3. Tusarniaanermut akissutit

Aalajangiiffigisassatut siunnersuut kiisalu ilanngussat marluk, tassaasut inuussutissarsiutinik ingerlatsisutut aningaasaateqarfiit pillugit inatsisip atuutsilernissaa pillugu Kalaallit Nunaannut peqqussummut missingiut aamma naalisagaq, piffissami 2015-imi novembarip 17-aniit 2016-imi decembarip 22-anut Namminersorlutik Oqartussat tusarniaanermut nittartagaanni tusarniaassutigineqarput. Siunnersuut taamatuttaaq tusarniaaffigineqartunut toqqartukkanut makkununga tusarniaassutigalugu nassiunneqarpoq:

KANUKOKA

Kalaallit Nunaanni Eqqartuussiviit
Naalakkersuisut Siulittaasuata Naalakkersuisoqarfia
Aningaasaqarnermut Naalakkersuisoqarfik
Sulisitsisut
Deloitte
Kalaallit Nunaanni Eqqartuussissuserisut

Sulisitsisunit, Sermersooq Kommunimit aamma Kalaallit Nunaanni Eqqartuussissuserisunit tusarniaanermut akissuteqaateqartoqarpoq. Tusarniaanermut akissuteqaatit tiguneqartut annertunerpaatigut neriulluarnartumik nipeqarput.

3.1 Inuussutissarsiornermut Ataatsimiititaliap tusarniaanermut oqaaseqaatai

Piffissap tusarniaanermut atorneqartup sivissusiata, tusarniaanermut akissutit imarisaasa imaluunniit Naalakkersuisut tusarniaaffigisanut akissutaasa oqaaseqarfiginissaannut Inuussutissarsiornermut Ataatsimiititaliaq pissutissaqarsorinngilaq.

4. Siunnersuutip aningaasaqarnikkut kingunerisai

Siunnersuut Namminersorlutik Oqartussanut aningaasaqarnikkut kinguneqartussatut naatsorsuutigineqanngitsoq Naalakkersuisut saqqummiussissummini oqaatigaat. Naliliineq tamanna akerlilissallugu Inuussutissarsiornermut Ataatsimiititaliaq tunngavissaqarsorinngilaq.

5. Ataatsimiititaliap siunnersuummik suliarinninnera

Partiit oqaaseqaat siunnersuummillu siullermeerinninnermi oqaatigineqartut tunngavigalugit siunnersuummut annertuumik oqaaseqaateqarnissamut Inuussutissarsiornermut Ataatsimiititaliaq tunngavissaqarsorinngilaq. Inuussutissarsiornermulli Ataatsimiititaliap siunnersuut taperserini oqaatigissavaa, tamatuma ilaatigut maleruagassanik nutarterinissaq, taamaalillunilu inuussutissarsiutinik ingerlatsisutut aningaasaateqarfiit ersarissuunissaat nakkutigineqarnerallu nukittorsarneqarnissaat siunertarimmagu. Tamatuma saniatigut inuussutissarsiutinik ingerlatsisutut aningaasaateqarfinni aqutsisunut aammalu siulersuisunut sinaakkusiussat inatsisissatut siunnersuummi matumani nutarterneqarput. Aammattaaq inuussutissarsiutinik ingerlatsisutut aningaasaateqarfiit inatsisitigut tunngavigisaata

ingerlatseqatigiiffiit pillugit inatsimmut naapertuuttunngortinneqarnissaa siunnersuutikkut qulakkeerneqarpoq. Taama naatumik oqaaseqarluni ataatsimiititaliap sulinini naammassivaa.

6. Ataatsimiititaliap inassuteqaatai

Ataatsimiititaliap isumaqatigiittup siunnersuut akuerineqassasoq inassutigaa.


Taama oqaaseqarluni isumaliutissiissummilu allassimasutut paasinnilluni ataatsimiititaliap siunnersuut aappasaaniigassanngortippaa.



Siverth K Heilmann
Siulittaasoq
sinnerlugu




Aqqaluaq B Egede
Siulittaasup tullia



Justus Hansen



Suka K Frederiksen



Iddimanngiu Bianco